

ՆՈՐ ՏՆՏԵՍԱԿԱՆ ՔԱՂԱՔԱԿԱՆՈՒԹՅԱՆ ՄԻ ՔԱՆԻ ՀԱՐՑԵՐԻ ՔՆՆԱՐԿՈՒՄԸ ՍՈՎԵՏԱՀԱՅ ՄԱՄՈՒԼՈՒՄ

2. 2. ՖԵԼԵՔՏԱՆ

1921 թ. մարտին ՌԿ(Բ)Կ X համագումարը որոշեց պարենմասնատրույմը փոխարինել պարեն-հարկով, ռազմական կոմունիզմից անցնել նոր տնտեսական քաղաքականության: Պատմական այդ միջոցառումը, ինչպես նշում էր Վ. Ի. Լենինը, նպատակ ունեւ ճիշտ փոխհարաբերություն հաստատել բանվոր դասակարգի և գյուղացիության միջև, ամրապնդել նրանց դաշինքը, վերափոխել, վերադաստիարակել երկրի բնակչության մեծամասնությունը կազմող մանր գյուղացիությունը՝ աստիճանաբար ներգրավելով նրան սոցիալիստական շինարարության մեջ, ինչպես նաև նախադրյալներ ստեղծել արդյունաբերության վերականգնման, սոցիալիզմի հիմքերի կառուցման համար¹:

Նախապատրաստական որոշ ձեռնարկումներից հետո, 1921 թ. հունիսի 24-ին հրապարակվեց ՀԽՍՀ Ժողկոմխորհի դեկրետը «Պարենտուրքի մասին», որով սկսվեց նոր տնտեսական քաղաքականության գործնական կիրառումը մեր հանրապետությունում: Շրջադարձային նշանակություն ունեցող այդ նոր միջոցառումը կենսագործելու համար հետևողական աշխատանք ծավալեց պարբերական մամուլը, որի ելույթները կարևոր դեր խաղացին ինչպես նոր տնտեսական քաղաքականության պարզաբանման, այնպես էլ նրա կիրառման ընթացքում նկատվող խոտորումների, նէպ-ի էության միակողմանի, հաճախ վտանգավոր ըմբռնումների բացահայտման ու քննադատության գործում:

Նոր տնտեսական քաղաքականության հարցերը քննարկելիս, ինչպես և առհասարակ Հայաստանում կոմունիստական քաղաքականության իրագործման խնդիրներին նվիրված ելույթներում, սովետահայ պարբերական մամուլն առաջնորդվում էր Վ. Ի. Լենինի այն պատմական ցուցումներով, որ շարադրված են «Աղյուսի, Վրաստանի, Հայաստանի, Դաղստանի, Լեռնականների հանրապետության կոմունիստ ընկերներին» նամակում: Ծրագրային այդ փաստաթուղթը հրապարակվեց 1921 թ. մայիսի 10-ին²: «Ընկեր Լենինը,— գրում էր «Կոմունիստը»,— մեզ խորհուրդ է տալիս, որպես մեր մեծ հեղափոխության փորձված ուսուցիչը, վարել... մեղմ, զիջող քաղաքականություն մանր բուրժուազիայի և մանավանդ գյուղացիության նկատմամբ. մենք այդ խորհուրդը ընդունում ենք և կկիրառենք: «Միևնույն ժամանակ — շարունակում էր թերթը,— մենք մեր զիջումներում և մեղմության մեջ կլինենք և պիտի լինենք զգաստ, զգույշ և շահավոր»³:

Այդպիսի նախազգացումն ուներ իր հիմնավոր շարժառիթը: Բանն այն է, որ Լենինյան հայտնի ցուցումները յուրովի ըմբռնվեցին որոշ տատանվող տարրերի կողմից, իսկ դասակարգային հակառակորդները դրանք «մեկնաբանում» էին իրենց ձեռնարկներից ուղղակի հարձակում գործելով սոցիալիստական հեղափոխության, պրոլետարիատի դիկտատուրայի հիմնական սկզբունքների վրա: Ահա թե ինչու կոմունիստական կուսակցությունը մամուլի իր օրգանների միջոցով անհրաժեշտ համարեց կրկին անգամ հիշեցնել, որ վարելով տեղական պայմանների յուրօրինակությունից բխող համապատասխան գործելակերպ, «Հայաստանի խորհրդային կառավարությունը չի կարող հրաժարվել բանվոր-գյուղացիական հեղափոխության էական սկզբունքներից»: Այս հիշեցումն ուղղված էր բոլոր նրանց, ովքեր «հենվելով կուսակցության կողմից կիրառվող նոր քաղաքականության վրա», ձգտում էին հովանավորել պորտաբույծ սեփականատերերին, գյուղը շահագործողներին, սպեկուլյանտներին: «Հակաժողովրդական աջության» այդ հիմնադրությունը,— գրում էր «Խորհրդային Հայաստանը»,— հաճախ հակադրվում է երեսայական «ձախությանը»: Եվ իրոք, վերոհիշյալ նորոքյա «մեկնաբանները», ինչ խոսք, ճարպկորեն

¹ Տե՛ս Վ. Ի. Լենին, Երկեր, հատ. 32, էջ 420—425:

² «Կոմունիստ», Երևան, 1921, № 79:

³ Նույն տեղում, № 81:

կառչում էին նաև այնպիսի «չորավոր փառաբանություններ», ինչպիսիք տեղական իշխանության որոշ օրգանների ձախիկություններն էին տնտեսական և իրավա-օրենսդրական քաղաքականության կիրառման պրակտիկայում: «Բանվորա-գյուղացիական պետության համար,— եզրակացնում էր թերթը,— այդ երկու թեքումներն էլ անընդունելի են: Մեզ համար վնասակար են թե՛ անիմաստ ռեկվիզիցիաներն և հալածանքները և թե՛ բուրժուաների հովանավորումը»⁴:

Լուրջ խոչընդոտներ էին հարուցում նաև թալմուլիզմն ու «հեղափոխական տառակերությունը»: Կուսակցական և պետական գործունեության առանձին օղակներում չկարողացան անհապաղ և մինչև վերջ ըմբռնել Ռուսաստանի փորձը ստեղծագործաբար յուրացնելու այն վճռական պահանջը, որ Վ. Ի. Լենինը ձևակերպել էր այսպես՝ «Ամենից ավելի կարևոր է, որ Անդրկովկասի կոմունիստները հասկանան իրենց դրության, իրենց հանրապետությունների դրության յուրօրինակությունը, ի տարբերություն ՌԽՖՍՀ դրության ու պայմանների, հասկանան մեր տակտիկան նույնությամբ չընդօրինակելու, այլ մտածված կերպով կոնկրետ պայմանների տարբերության համապատասխան այն ձևափոխելու անհրաժեշտությունը»⁵: Լենինյան այս կարևորագույն պահանջի պարզաբանմանն ու հետևողական կիրառմանը մեծ ուշադրություն էր նվիրում Ալ. Մյասնիկյանը՝ իր ելույթներում և հոդվածներում հաճախակի անդրադառնալով Ռուսաստանի փորձի «բառացի ընդօրինակության» փաստերին, ընդգծելով այդ երևույթի վնասակարությունը: «Այսօրվա Հայաստանում,— գրում էր նա,— պետք է կիրառել խորհրդային կարգերը, պետք է ուժեղացնել կոմունիստական շարժման սաղմերը, բայց լսույնց բառացի ընդօրինակության, առանց անալիտիկ կրկնելու այն ամենը, որ տեղի է ունեցել Ռուսաստանում, որովհետև մեծ Ռուսաստանի կարմիր գոտին մեր վտիտ մարմնի համար շատ երկար կլինի, ինչպես հորը գոտին Սասունցի Դավթի մեջքին: Եվ դա կլինի ծիծաղելի: Եվ դա անօգուտ է, ինչպես այդ մենք տեսնում ենք: Եվ դա, ավելին, նույնիսկ վնասակար է»⁶:

* * *

Պարբերական մամուլը բացատրում-պարզաբանում էր այն կարևորագույն նշանակությունը, որ ուներ նոր տնտեսական քաղաքականության իրագործումը մեր հանրապետության գյուղատնտեսության և արդյունաբերության աշխուժացման, պարենավորման ճգնաժամը հաղթահարելու, բանվոր դասակարգի և չքավոր գյուղացիության դաշինքն ամրապնդելու, աշխատավորության բարեկեցությունն ապահովելու գործում: «Պարենավորման տուրքի» հարցը,— գրում էր «Խորհրդային Հայաստանը»,— մեզ մոտ — Հայաստանում պիտի ունենա նույնքան կարևոր նշանակություն, ինչպես և Ռուսաստանում: Եվ ապա, նշելով, որ կառավարությունը ձեռք է առնում բոլոր միջոցները քանդված առուները կարգի բերելու, ոռոգումը կազմակերպելու ուղղությամբ, սերմացու և երկրագործական գործիքներ է ուղարկում գյուղերը, թերթն ընդգծում էր պարենահարկի՝ աջող անցկացման համար տեղերում լայն նախապատրաստական աշխատանք տանելու անհրաժեշտությունը: «Մենք կարծում ենք, որ խորհրդային իշխանության տեղական օրգանները պիտի օր առաջ լայնորեն բացատրեն և քննեն դրված խնդիրները ամենալայն շրջաններում և մշակեն ավելի հարմար և բնակչության ուժերին համապատասխան ձևերը»⁷:

Մի շարք հոդվածներում, առաջնորդողներում, թեզիսներում, կոչերում և այլ նյութերում «Խորհրդային Հայաստանը» բացատրում-պարզաբանում էր պարենահարկի կիրառման որոշ յուրահատկությունները մեր հանրապետությունում: Նախ՝ ընդհանուր առմամբ այստեղ պարենահարկի չափերը ավելի նվազ են, քան Ռուսաստանում, որովհետև կառավարությունը հաշվի է առնում Հայաստանի գյուղատնտեսության ծայրաստիճան քայքայված վիճակը և չքավոր հողագործների ու գաղթականության վատթարագույն կենսապայմանները: Այնուհետև՝ Հայաստանում խորհրդային իշխանությունը օրենքով չի հաստատել հացահատիկների և առհասարակ գյուղատնտեսական արտադրանքների պետական մենաշնորհ: Այդ չի նշանակում, սակայն, վերհիշում էր թերթը, թե «Հայաստանում չի կիրառվել գյուղացու արտադրության ավելցուկների ստացումն օգուտ պետության»: Բաղաքացիական կռիվի ժանր պայմաններում խորհրդային իշխանությունը «տիպված էր մասնակի դեպքերում կատարել ռեկվիզիցիաներ՝ կարմիր բանակի պետքերի համար, «մի հանգամանք,— բացատրում էր թերթը,— որ չի մտել խորհրդային իշխանության ծրագրում»:

4 «Խորհրդային Հայաստան», 1921, № 102:

5 Վ. Ի. Լենին, Երկեր, հատ. 32, էջ 402:

6 «Խորհրդային Հայաստան», 1922, № 81:

7 Նույն տեղում, 1921, № 103:

գրի մեջ Հայաստանում» և «անշուշտ ծանր է եղել գյուղացիության համար»։ Ներկայումս կիրառվող բնական տուրքը, շարունակում էր թերթը, «միանգամայն հաշվի է առնում գյուղացու շահերը։ Մասնավորապես և հատկապես չքավոր գյուղացիությունը, որոշ աստիճանից ցած, միանգամայն աղատվում է տուրքից»⁸։

Պարբերական մամուլը ելնում էր այն իրողությունից, որ պարենտուրքի կիրառումը միանգամայն նոր և պատասխանատու խնդիր է դնում տեղական տնտեսական ու հողագործական մարմինների, խորհրդային օրգանների և առանձնապես կուսակցական կազմակերպությունների առջև։ «Պարենտուրքի ամբողջ ծանրությունը՝ և լարդությունը գործնականի մեջն է», — գրում էր «Խորհրդային Հայաստանը» «Պարենտուրքի մանր-բուրժուական հոգեբանությունը, դուրս կորզել նրան սպեկուլյանտի ճիրաններից։ Նրբ տնտեսական մարմինները, որ կոչված են տեղերում կազմակերպելու ապրանքների պետական փոխանակությունը, չեն կարողանում ի հայտ բերել անհրաժեշտ ճկունություն և ձեռնբեկություն՝ սպեկուլյանտները հանգիստ կերպով տեսնում են իրենց սև գործը»։ Պարենտուրքային ապարատների աշխատողների առաջին պարտականությունն է լինելու՝ ճիշտ կերպով հաշվի առնել յուրաքանչյուր գյուղական տնտեսության մթերքների քանակը։ Խոշոր անելիքներ ունի նաև Հայկոպը։ Մեծ իրավունքներ տալով Հայկոպին, կառավարությունը դրել է նրա վրա կարևոր պարտականություն՝ «պետությունից ստացած ապրանքները գյուղացիների հետ փոխանակել պետության կարիքների համար»։ Ծիշտ է, առաջիկա պետությունը ի վիճակի չէ առատորեն ապրանքներ մատակարարելու գյուղին, բայց և այնպես, ընդգծում էր թերթը, «տրվածը Հայկոպի տեղական օրգանները պետք է կարողանան այն ձևով արջանառության մեջ ձգել, որ սպեկուլյանտի քիթը տրորեն, նրա ոտը գյուղից կտրեն»⁹։

Որոշիչ նշանակություն տալով բնական տուրքի կամպանիան անցկացնելու գործում կուսակցական կազմակերպությունների դերին՝ ՀԿ(Բ)Կ Կենտկոմը հատուկ կոչով դիմեց բոլոր կուսկոմիտեներին, բջիջներին և կուսանդամներին¹⁰։ «Բնատուրքի իրականացնելը պետք է նկատվի կուսակցական բոլոր կազմակերպությունների հիմնական հարվածող աշխատանքը», — հրահանգում էր Կենտկոմը։ ՀԽՍՀ Ժողկոմխորհի բնական տուրքի մասին դեկրետով, նշում էր «Խորհրդային Հայաստանը», նոր շրջան է սկսվում խորհրդային իշխանության և Հայաստանի գյուղացիության փոխհարաբերությունների մեջ. մի հանգամանք, որ պարտավորեցնում է համապատասխանորեն վերակառուցել նաև կուսակցական կազմակերպությունների ագիտացիոն և մասսայական-կազմակերպչական աշխատանքը։ Այստեղ հիմնականը պիտի լինի գյուղացիության ամենալայն շրջաններում այն գիտակցության ներարկումը, թե այս նոր միջոցառումը նպատակ ունի ամրապնդելու խորհրդային իշխանությունը, բանվորների և աշխատավոր գյուղացիության դաշինքը, պայմաններ ստեղծելու ժողովրդական տնտեսության հաջող վերականգնման համար։ Մեր ագիտացիան էլ պետք է փոխի իր բովանդակությունը, իր ձևերը, — գրում էր թերթը, — կոմունիստական ագիտացիան էլ պիտի մտնի նոր շրջան. նա պետք է լինի տնտեսական ագիտացիա, պետք է գործ ունենա թվերի, աղյուսակների հետ, որպեսզի կոնկրետ կերպով կարողանա մատերիալիստ գյուղացուն հասկանալի դարձնել խորհրդային իշխանության տնտեսական նախաձեռնությունների գերադասությունը և դյուրությունը գյուղացիության համար»¹¹։

Բնական է, որ մամուլը չէր կարող սահմանափակվել սոսկ բացատրական աշխատանքի ծավալման, կոմունիստական ագիտացիայի բովանդակությունն ու ձևերը նոր տնտեսական քաղաքականության շահերին համապատասխանեցնելու անհրաժեշտությունն ընդգծելով։ Միակողմանի ու պակասավոր կլինեիր նրա գործունեությունը, եթե այդ ամենը չզուգակցվեր ոչ միայն պարենտուրքի իրականացնող մարմիններին, այլև առաջին հերթին կուսակցական կազմակերպություններին ու բոլոր կոմունիստներին գործնական ակտիվ աշխատանքի ներգրավելու ուղղությամբ պործադրվող ջանքերի հետ։ ՀԽՍՀ Ժողկոմխորհի դեկրետի հրապարակումից հետո ՀԿ(Բ)Կ Կենտկոմի որոշմամբ Երևանի կազմակերպությունից 28 կոմունիստներ ուղարկվեցին գավառները՝ պարենհարկի գանձման գործը կազմակերպելու համար։ Այդ առիթով տպագրված «Պարենտուրքի ֆրոնտը» հոդվածում «Խորհրդային Հայաստան» թերթն անդրադարձավ այն նոր պատասխանատու խնդիրներին, որ ծառանում էին յուրաքանչյուր կոմունիստի առջև կյանքի և աշխատանքի

⁸ Նույն տեղում, № 124։

⁹ Նույն տեղում, № 164։

¹⁰ Տե՛ս նույն տեղում, № 129։

¹¹ Նույն տեղում, № 119։

նոր պայմանների թելագրմամբ: Կոմունիստը, նշում էր թերթը, որ կոչված է ուղղություն տալու պարենավորման տեղական օրգանների գործունեությանը և գլխավորելու երկրի ողջ ժողովրդական տնտեսության համար կենսական նշանակություն ունեցող այդ միջոցառումը, «առաջին անգամն է հանդես գալիս գյուղական լայն մասսաների առաջ՝ իրրե տնտեսական ֆրոնտի զինվոր»։ Նա պիտի կարողանա կազմակերպչական նոր թափ ու եռանդ դրսևորել, ի հայտ բերել «լավ բանավորա-գյուղացիական տանտիրոջ, տնտեսության գլուխ կանգնած մարդու բնորոշակություններ»։ Նա պիտի կարողանա բավարարել խորհրդային պետության կարիքները՝ շխախտելով մանր-բուրժուական տնտեսության շահերը»¹²։ Դա նախ և առաջ կուսակցական ներքին կարգապահության խնդիր էր: «Մեր պիսցիպլինայի ամենագլխավոր հիմնաքարը,— ընդգծում էր թերթը,— պիտի կազմի նոր տնտեսական ֆաղափականությունը՝ ամբողջական ըմբռնումը կուսակցական մասսաների կողմից և նրա գործնական ու մասնայական գործադրումը կյանքի մեջ»¹³:

Այս չափանիշով էլ հենց պարբերական մամուլը անդրադառնում էր կուսակցության մեջ նկատվող այն տատանումներին ու շեղումներին, որոնք զգալի չափով հետևանք էին մանր-բուրժուական տարրերի ներգործության և կուսակցության որոշ անդամների մարքս-լենինյան անբավարար կոփվածության: Դրության բարդությունը նկատելի էր առանձնապես գյուղացիական այնպիսի մի հանրապետությունում, ինչպիսին Հայաստանն էր: «Նոր տնտեսական քաղաքականությունը,— գրում էր «Խորհրդային Հայաստանը»,— շատ դժվարին ճանապարհ է մանավանդ Հայաստանում: Որևէ զիջումներ անելով բուրժուազիային, անհրաժեշտ է ստեղծել սոցիալիստական տնտեսության հիմքեր: աղքատիկ գյուղացիական մեծ երկրում: Սա դժվար է իրրե տնտեսական խնդիր, բայց դժվարին է ու վտանգավոր մեր կուսակցության համար իրրե հասարակական հոգեբանական փոխանցման մի շրջան, երբ մեր կուսակցության որոշ տարրերը կենթարկվեն մանր-բուրժուազիայի ազդեցությանը»:

Այդ ազդեցության հետևանք էր համարում թերթը միակողմանի, ըստ էության, խեղաթյուրված այն ըմբռնումը, որի կրողները՝ մեծ մասամբ գյուղացիական մանր-բուրժուական տարրերի և գյուղից չկտրված բանվորության հետ կապված կուսակցականներ, «մեր նոր տնտեսական քաղաքականությունից հասկացել են և բնորոշել այն, ինչ որ կոմպրոմիս է մանր-բուրժուական տարրերի հետ»։ Այդպես վարվել, նշանակում էր ըստ էության չըմբռնել կուսակցության կիրառած այդ վիթխարի միջոցառման բուն իմաստը, անսահմանորեն նեղացնել ու սահմանափակել այն վերջնական նպատակը, հանուն որի կուսակցությունը իր լենինյան հանձարով մշակել ու կիրառում էր իր նոր տնտեսական քաղաքականությունը: Դիտելով այդ քաղաքականությունը սոսկ իրրե մանր-բուրժուական տնտեսությունների աշխուժացման, անձնակազմի շահագրգռվածությունը խթանելու միջոց՝ նրանք կորցնում են զարգացման հեռանկարները, «նոր տնտեսական քաղաքականության մեջ չեն կարողանում տեսնել այն կետերը, ճանապարհները, որոնցով գյուղացիությունը և բանվորությունը ընթանալու է դեպի կոմունիզմ»¹⁴: Մի այլ առիթով թերթն ընդգծում էր, որ «տնտեսական նոր քաղաքականությունը «կոմպրոմիսների» գործելակերպ չէ, ինչպես կարծում են շատերը, այլ ավելի կատարելագործված և նպատակահարմար մի զենք, ուի միջոցով մենք պիտի ամրացնենք Խորհրդային հայրենիքի տնտեսական շենքը»¹⁵: Վերահիշյալ մտածելակերպի լավագույն հերքումը թերթը տեսնում էր այն դրական արդյունքների մեջ, որ սովել էր նէպ-ի ճիշտ կիրառումը անցած ժամանակամիջոցում:

Պակաս վտանգավոր չէր նաև այն մտայնությունը, որն ի հայտ էր գալիս «ձախության» կերպարանքով: Ծիշտ է, նշում էր «Խորհրդային Հայաստանը», «ընկերներից շատերն իրոք անալիտիկ կերպով են վերաբերվում այս վերջին մի քանի ամսվա տնտեսական արմատական փոփոխություններին, ըմբռնում այդ փոփոխությունների էությունը, իմաստը», սակայն չպետք է անտեսել և այն, որ ոմանք «հոռետես են և տրամադիր են փնտրել մեր նոր քաղաքականության մեջ ինչ-որ տարօրինակ, անհասկանալի զիջումներ հօգուտ բուրժուազիայի, շեղումներ կուսակցական ծրագրից, բուրժուազիայի տնտեսական հաղթանակը և այլն և այլն»։ Այդպես կարծողները, շարունակում էր թերթը, «գերի են դառնում «ոսկիզիոնիստական մտածելակերպին», չկարողանալով հասկանալ, որ «հանուն մեր վերջնական նպատակի՝ կոմունիզմի, կոմունիստական կուսակցությունը, որպես կյանքի և ոչ թե դոգմայի կուսակցություն, կարող է ժամանակավոր տակտիկա-

12 Նույն տեղում, № 150:

13 Նույն տեղում, № 221:

14 Նույն տեղում, № 171:

15 Նույն տեղում, 1922, № 278:

Վան շեղումներ, դիջումներ անել, թողնելով անխախտ մեր ծրագրի կմախքը, պրոլետարիատի դիկտատուրան և կոմունիստական հանրակարգը»¹⁶։

Անդրադառնալով նույն այս խնդրին, Ալ. Մյասնիկյանը ասում էր. «Տնտեսական նոր քաղաքականությունը կիրառելու դեպքում մենք պետք է մեր կուսակցության շարքերում անողորպ պայքար վարենք այսպես կոչված ձախ կոմունիզմի կամ, ինչպես ընկ. Լենինն է ասում, կոմունիզմի պարտիզանշինայի դեմ»¹⁷։ Ալ. Մյասնիկյանը մատնանշում էր նոր տնտեսական քաղաքականությունը կիրառելիս Հայաստանում ինչպես կենտրոնական, այնպես էլ տեղական մարմինների կողմից թույլ տրվող սխալներն ու վրիպումները. «Վերցնենք պարենտուրքի հարցը,— ասում էր նա— կենտրոնը հաճախ փոփոխության է ենթարկել պարենտուրքի չափը. նա հրատարակել է այնպիսի դեկրետներ, որոնցից մեկը վերացրել է մյուսի որոշումները և այլն։ Այդ բոլորը ստեղծում է խառնաշփոթություն, մթություն, անորոշություն։ Այնուհետև՝ մենք հանդիպում ենք մի շարք սխալների, երբ մենք մասսայական ճնշումներ ենք գործադրում տուրք չվճարողների նկատմամբ։ Այդ շտիտի լինի։ Մասսայական ճնշումները միայն անբավականություն են առաջացնում գյուղացիների մեջ և ոչ մի արդյունք չեն տալիս... Մեր մի ուրիշ սխալն էլ այն է, որ մենք արդյունաբերության շատ նյութերում դեռ չենք հրաժարվել տնայնագործական սիստեմից։ Դեռ մինչև օրս էլ կատարվում են դրավոմներ, անտեղի պետականացումներ և այլն, որոնք անցյալի ժառանգությունն են։ Այս ասպարեզում էլ մինք պետք է անցնենք տնտեսական նոր քաղաքականության համահավասար կիրառմանը, մասնավոր նախաձեռնության քաջալերմանը և այլն»¹⁸։

Իր առաջնորդողներից մեկում ՀԿ(Բ)Կ կենտրոնական կոմիտեի, Երեզկոմի և Ժողտնտխորհի օրգան «Наша Правда» թերթը, ի մի բերելով նէպ-ի առաջին ամիսների արդյունքները, ընդգծում էր. «Արդեն այժմ ակնառու է, թե որքան ճիշտ էր կոմունիստական կուսակցության և խորհրդային կառավարության վերցրած նոր կուրսը»։ Միաժամանակ թերթը նշում էր, որ դեռևս մեծ վնաս են հասցնում այն ծուռ ու սխալ պատկերացումները, պրակտիկայում նկատվող ձախիկությունները, որոնք արտահայտվում են իբրև աշխատանքի հնացած, ժամանակավրեպ մեթոդների մնացուկներ։ «Այնտեղ,— գրում էր թերթը,— ուր նոր տնտեսական քաղաքականությունը կիրառվում է ոչ թե սարսափի մեթոդով, այլ խղճի մտքով՝ հաշվի առնելով պրոլետարիատի դիկտատուրայի քաղաքական շահերն ու մեր երկրի տնտեսական շահերը՝ ակնառու են նոր կուրսի բոլոր օգուտները»։ Քիայց,— շարունակում էր թերթը,— ամենուրեք և բոլորի կողմից չէ, որ այդ նոր կուրսը ըմբռնվում է ճիշտ կերպով և կիրառվում անվերապահորեն։ Կտրուկ շրջադարձը դեռ ոչ բոլորին է բավարար չափով թափահարել։ Շատերը շարունակում են մտածել ու իրենց գործն անել ըստ ճհնոց կարգի»¹⁹։ Պարզ է, որ թերթն ի նկատի ուներ այն խոտորումները, որոնց դեմ այդքան կրքոտությամբ խոսում էր Ալ. Մյասնիկյանը։

Նոր տնտեսական քաղաքականությունը ներթափանցում էր կյանքի բոլոր ոլորտները, այս կամ այն կերպ շոշափելով հասարակական բոլոր խավերի շահերը, անդրադառնալով տնտեսական և հասարակական հարաբերությունների բոլոր կողմերի վրա։ Վերջին ութ ամսվա ընթացքում,— գրում էր «Արհեստակցական շարժում» բանվորական թերթը՝ նկատի ունենալով կուսակցության X համագումարից հետո անցած ժամանակաշրջանը,— խորհրդային հանրապետությունների առաջ կանգնած խոշորագույն խնդիրը տնտեսական նոր քաղաքականության կուրսն է հանդիսացել։ Բանվոր-գյուղացիական մասսաների մեջ ոչ մի հարց այսօր այնքան կենդանի հետաքրքրություն չի առաջացնում, ինչքան այդ նոր քաղաքականությունը։ Նվազա, նշելով այն նոր վերաբերմունքը, որ դրսևորում էր խորհրդային իշխանությունը ինչպես հողագործության, արդյունաբերության, տարիֆային, ֆինանսական ու առևտրական հարցերի, այնպես էլ արտաքին փոխհարաբերությունների նկատմամբ, թերթն ընդգծում էր այս առիթով որոշ անկայուն տարրերի մեջ առաջացած սխալ պատկերացումների և «ձախ» մտորումների վնասակարությունը. նէպ-ի կիրառումով, իբր թե, կոմունիզմի կառուցման շահերին դավաճանելու և բուրժուական կարգերի վերականգնման վերաբերյալ նկրտումները կամա թե ակամա փաստորեն համընկնում էին այն գնահատությանը, որ տալիս էին օտարերկրյա բուրժուական պրոպագանդիստները նոր տնտեսական քաղաքականությանը։ Միակ տարրերությունն այն էր, որ եթե առաջիններն այդ ասում էին «կոմունիզմի անունից», «սրտացավության» համար, ապա վերջիններս իրենց եզրակացությունները

16 Նույն տեղում, 1921, № 218։

17 Նույն տեղում, № 223։

18 Նույն տեղում, № 223։

19 «Наша Правда», Երևան, 1921, № 6, նոյեմբերի 20։

ձևակերպում էին շարախնդորեն, ազդարարելով խորհրդային կարգերի մոտալուտ վերասերման անխուսափելիությունը: «Մինչև անցյալ տարվա վերջը և ներկա 1921 թ. սկզբից վարած տնտեսական քաղաքականության երկու կուրսերի մեջ տարբերությունն այնքան մեծ է,— շարունակում էր թերթը,— որ ոմանք մեր ներկա քաղաքականությունը հակակոմունիստական են համարում, իսկ արևմտյան բուրժուազիան մեծ գոհունակությամբ հայտարարում է, որ իրենց նոր տնտեսական քաղաքականությամբ խորհրդային հանրապետությունները հրաժարվում են կոմունիզմից, նրա անգորությունը երևան հանում»²⁰:

* * *

Նոր տնտեսական քաղաքականության կիրառումը, սակայն, տալիս էր իր դրական արդյունքները, որոնք Հայաստանում միայն պարենաբերի գանձման ասպարեզում արտահայտվեցին նրանում, որ 1921 թ., շնայած ծանր ու դժվարին պայմաններին, կառավարությունը ստացավ 175 հազար փութ հացահատիկ²¹: Սա, անշուշտ, զգալի արդյունք էր, եթե նկատի ունենանք մեր հանրապետության այն ժամանակվա հնարավորություններն ու պահանջները: Նշելով այն ինքնաբերական աջակցությունը, որ ցուցաբերեց ազլարնակչությունը այդ կենսական միջոցառման իրականացմանը, ՀԽՍՀ պարենավորման ժողովոմատը իր հաշվետվության մեջ ընդգծում էր, որ նման գիտակից վերաբերմունքը «սամենալավ օւղղակն է խորհրդային իշխանության բարձր ժողովրդականությանը»²²:

Պարենաբերի հաջող գանձմանը զգալի շափով նպաստեց գավառական պարբերական մամուլը թե՛ իր ազդեցիկ լրագրողական և թե՛ կազմակերպչական աշխատանքով: Մասնավորապես հիշատակության արժանի են «Կարմիր Գյուղացի», «Կարմիր Լոռի», «Կարմիր Շիրակ» թերթերը, որոնք պարզ ու մատչելի, հաճախ տեղական բարբոսով զրկած փոքրիկ հողմածներով, դիպուկ առաջնորդողներով, գյուղացիների նամակներով, կոշերով, նկարագրական ու ինֆորմացիոն նյութերով հորդորում էին գիտակից ու կազմակերպված վերաբերմունք ցուցաբերել, ամեն կերպ նպաստելով բնական տուրքի գանձման համար նպաստավոր միջավայրի ստեղծմանը: Գավառական մամուլը հատուկ ուշադրություն էր դարձնում պարենաբերի գանձումը ձախողելու նպատակով տեղերում տարածվող զանազան պրովոկացիաների մերկացմանը: Այսպես՝ անդրադառնալով Ջանգեզուրում շրջող այն լուրերին, թե տուրքը «կոմունիստները հավաքում են, որ ուղարկեն Երևան՝ Մյասնիկյանի և նրա ընկերների համար», «Կարմիր Ռաշպար» թերթը կոշ էր անում չհավատալ այդ և դրա նման զրպարտություններին և պարզաբանում էր. «Խորհրդային իշխանությունը ձեզից վերցնում է ավելի և նորից տալիս ձեզ, ինչպես ասում են՝ աջ զրպանից ձախն է գցում: Այնպես որ՝ դուք ոչինչ չեք կորցնում: Դուք դիտեք, որ այս տարի մորեխը ոչընչացրել է Տեղվա, Հալիձորի ողջ ցանքսերը և քաղաքի շրջանի, Ղափանի ցանքսերի կես մասը, և Ջանգեզուրից միայն Սիսիանն է ազատ մնացել: Խորհրդային իշխանությունը մորեխից ազատ մնացած տեղերից հավաքում է և տալիս վնասված տեղերին, որ նրանց ցեղերը անսերմ չմնան... Ուրեմն ցո՛ւյց տվեք ձեր քաղաքացիական վեհ ու լեզնիվ պարտքը...»²³:

Պարենաբերի գանձումն առանձնակի հաջողությամբ անցավ հաջորդ տարում: Պարբերական մամուլը իրավացի կերպով շեշտը դնում էր գյուղական աշխատավորության գիտակցության բարձրացման, կառավարության ձեռնարկած միջոցառումներին ցուցաբերվող խորապես ըմբռնված վերաբերմունքի վրա: Եթե գյուղացիությունը պարզորոշ պատկերացում ունի, թե ինչ նպատակներ է հետապնդում բնական տուրքի գանձումը, նշում էր «Խորհրդային Հայաստանը», ապա «հաջողության գրավականներից մեկը և ամենակարևորը կատարված է: Խորհրդային իշխանության հաղթանակներից մեկը հենց նրանումն է կայանում, որ հանրապետության ամեն մի քաղաքացի... գիտակցաբար վերաբերվի դեպի պարենաբերը»²⁴:

Գործի հաջողությունը, սակայն, միայն աշխատավորության գիտակից վերաբերմունքով և պարենաբերի վճարելու պատրաստակամությամբ չէր պայմանավորված. անհրաժեշտ էր երբեք չթուլացնել կազմակերպչական կոնկրետ աշխատանքը, հսկողության տակ առնել և աջակցել

²⁰ «Արհեստակցական շարժում», Երևան, 1921, № 7, դեկտեմբերի 22:

²¹ Տե՛ս «ՀԽՍՀ ժողովրդական կոմիսարիատների 1920—1922 թթ. հաշվետվությունը», Երևան, 1923, էջ 89:

²² Նույն տեղում, էջ 91:

²³ «Կարմիր Ռաշպար», Գորիս, 1922, № 33:

²⁴ «Խորհրդային Հայաստան», 1922, № 149:

պարենտուրային տեղական մարմիններին ու գործակալներին՝ Արձանագրելով, որ 1922 թ. «պարենտուրայի կամպանիան սկսվեց շտեմնաված խանդավառությամբ», ՀԿ(Բ)Կ Կենտկոմի օրդանը միաժամանակ զգուշացնում էր. «Հոգեբանորեն շատ հեշտ բացատրելի և հնարավոր է, որ գյուղացիության ընդհանրապես բարյացակամ վերաբերմունքը, պարենտուրայի հանձնելու պատրաստակամությունը տեսնելով՝ տեղական գործիչները թուլացնեն գանձման թափը»։ Նման մոտեցումը համարելով «կոռուտարեն, վտանգավոր հոգեբանություն», թերթը եզրակացնում էր. «Քաղաքականապես ապահովված է պարենտուրայի բայց պետք է ուժեղացնել ապարատը»²⁵։ Հոկտեմբերի 29-ի առաջնորդողում «Խորհրդային Հայաստանը», հայտնելով, որ պարենտուրայի գանձումը հանրապետությունում կատարված է 130 տոկոսով, իբրև ոչ միայն տնտեսական, այլև քաղաքական նշանակալից հանգամանք էր գնահատում այդ կարևոր փաստը. «պարենտուրայի մուծումները գավառական կենտրոններում վերածվում են «գյուղացիության քաղաքական համակրանքի ցույցերի»՝ Խորհրդային իշխանության հանդեպ»։ Այդ ամենի մեջ թերթը ճիշտ կերպով նկատում էր կոմունիստական խոսքի և գործի ներդաշնակության պտուղները. «Ոչ քե մեր լոկ խոսում, ազիտացիայով, այլ կոմունիստական խոսքի և գործի նույնությամբ փառափառական զիտակցությամբ եկած Հայաստանի աշխատավորությունը, եկավ այս տարի էլ տնտեսապես ապահովելու Խորհրդային իշխանությունը, ապահովելու ինքն իրեն» (ընդգծումն իմն է—Ն. Ֆ.)։ Այստեղ, անշուշտ, իր դերը կատարեց նաև պարբերական մամուլը։ Իրոք ճշմարիտ էր ստեղծված այն կարծիքը, թե պարենտուրայի հաջող և արագ գանձումը զգալի չափով պիտի բացատրել նաև թերթերի «ուժեղ և կանոնավոր» գործունեությամբ²⁶։

* * *

Նոր տնտեսական քաղաքականության կիրառման պայմաններում, երբ թույլատրվում էր մասնավոր կապիտալի աշխուժացում և խրախուսվում մասնավոր նախաձեռնությունը, առանձնակի սրությամբ էր դրվում կուսակցական կազմակերպությունների՝ գյուղական շրջավորության հետ սերտորեն կապվելու խնդիրը։ Այս պահանջը, նշում էր «Խորհրդային Հայաստանը», վճռական կարևորություն է ստանում մանավանդ «Հայաստանի նման մի երկրում, ուր խճողված են հողային հարաբերությունները, ուր չկա գյուղատնտեսական վիճակագրություն», այնպես պիտի վարել այդ քաղաքականությունը, որ այն «բնական ընթացք առնի և շցամաքեցնի նոր-նոր ոտքի կանգնող շուկայի գյուղացիության տնտեսության աղբյուրները»²⁷։ Տնտեսական և հասարակական հարաբերությունների զարգացման բարդ ու հուկասական ընթացքը թելադրում էր առավել ուշադրությամբ վերաբերվել աշխատավոր զանգվածների առօրյա հոգսերին ու պահանջներին, հաշվի առնել նրանց տրամադրությունն ու մտորումները՝ այդ ամենը միախառնելով հասարակության ոչ-հիմնական, բնականոն առաջընթացի գլխավոր հունի մեջ։ «Նոր տնտեսական քաղաքականությունը, կյանքի կոչելով երկրի բոլոր կենսունակ և աշխատունակ ուժերը, մեզ վրա դնում է պարտականություն՝ միշտ մասսայի հետ, նրա առօրյա կյանքում հասունացած հարցերին տալ համապատասխան լուծում, լինի դա գործարանի արտադրության կամ գյուղացու վար ու ցանքի ասպարիզում»²⁸։

Այդ շրջանում պարբերականների խմբագրությունները մտահոգված էին որքան կարելի է շատ տեղեկություններ ստանալ գյուղացիությանը հուզող ամենատարբեր խնդիրների մասին, չանում էին արտացոլել գյուղի իրական պատկերը։ Այս ուղղությամբ ակտիվ ու հետևողական էր գործում մասնավորապես հանրապետության կենտրոնական գյուղացիական «Մաճկալ» թերթը։ Ելնելով այն իրողությունից, որ նոր կյանքի ծնունդը տեղի է ունենում բուռն, բարդ ու լարված պայքարի պայմաններում, թերթը առաջնակարգ նշանակություն էր տալիս գյուղերում կատարվող օրինականությունների, չքավորության շահագործման փաստերի, բոլոր տեսակի անարդարությունների բացահայտմանը, նկատի առնելով, որ պայմաններում սնվող բացասական երևույթների վրա բեռնելով օրենքի ուղղորդությունը։ Այս գործում խմբագրությունը, բնականաբար, ակտիվ աջակցության էր կանչում գյուղի շրջավոր, ունեզուրկ տարրերին։ «Զկարծեք,—գրում էր «Մաճկալը»,— որ Խորհրդային իշխանություն հաստատված-չհաստատված՝ աշխարհիս բոլոր անարդարությունները, անօրինականությունները վերացան։ Խորհրդային իշխանությունը էնքան էլ միամիտ չէ,

25 Նույն տեղում, № 208։

26 Տե՛ս «Экономическая жизнь», Երևան, 1922, № 216։

27 «Խորհրդային Հայաստան», 1922, № 219։

28 Նույն տեղում, № 114։

որ այդպիսի հեքիաթներ պատմի, կամ էդ տեսակ հեքիաթների հավատառ: Եվ ահա, այդ երկ-վույթները վերացնելու համար մզած իր պայքարում, նշում էր թերթը, խորհրդային իշխանու-թյունը մեծապես դգում է հենց իրենց՝ աշխատավորների օգնության կարիքը: Գյուղացին ի՞նքը ամենից լավ կարող է տեսնել ու լսել «այն բոլոր անօրինությունները, անարդարությունները, որ կատարվում են մեր խուլ, հեռավոր գյուղերում»։ Սակայն միայն տեսնելն ու լսելը քիչ է հարկավոր է այդ բոլորի մասին տեղյակ պահել խորհրդային իշխանությանը, որն անողոք ու անխնա է նման երևույթների ամեն մի դրսևորման հանդեպ: Եվ այստեղ է, որ աշխատավոր գյուղացիության ձեռքում, իբրև զորավոր մի զենք, հանդես է գալիս լրագիրը: «Թող այսուհետև, — հորդորում էր «Մաճկալը», — մեր գյուղացիք ամեն մի անօրինություն, որ կտեսնեն, ամեն մի անարդարություն, որ կլսեն՝ հայտնեն «Մաճկալին»: «Մաճկալը» կլինի նրանց բերանը իշխանու-թյան առաջ», որը լսում է նրանց ձայնը՝ ուշադրությամբ, սիրով ու հավատով»²⁹:

«Մաճկալի» գյուղական թղթակցությունների մեջ սուր կերպով դրվում էր մասնավորապես վաշխառուների դեմ համապատասխան միջոցներ ձեռնարկելու անհրաժեշտության հարցը: 1922 թ. հուլիսին թերթում լույս տեսան այդ բովանդակությամբ մի շարք նյութեր: «Խորհրդային Հայաս-տանը» հատուկ ուշադրություն նվիրեց այդ թղթակցություններին, որոնք վկայում էին «մի վերին աստիճանի ուշադրավ և այլանդակ երևույթի մասին. դա չքավոր գյուղացիների շահագործումն է գյուղական վաշխառուների կողմից»³⁰:

Նշելով, որ «Զուկուկների տնտեսական ուժեղացման խնդիրը նոր տնտեսական քաղաքակա-նության փուլում ընդունում է պետական սխտեմատիկ օժանդակության բնույթ՝ ի հաշիվ պետու-թյան պահեստների և ու թե ունեւոր գյուղացիության հորերի», թերթը հարկ էր համարում հիշեց-նել, որ դա չի նշանակում, թե՛ «վերանում է կամ վերացել է խորհրդային իշխանության միջա-մտության անհրաժեշտությունը չքավորների և ունեւորների փոխհարաբերությունների մեջ»։ Մի հանգամանք, որի անտեսումը պայմաններ կստեղծեր գյուղական ունեւոր տարրերի վաշխառուա-կան «սխրագործությունների» համար: Դժբախտաբար, նշում էր թերթը, խորհրդային իշխանու-թյան նյութական հնարավորությունները դեռևս սահմանափակ են և նա չի կարողանում լիովին ապահովել արտադրության միջոցների նկատմամբ չքավոր գյուղացիության ներկայացրած պա-հանջները: Եվ շատերը ստիպված դիմում են ունեւոր խավերի օգնությանը»։ Իսկ այդ «լավու-թյունը» սրանք անում են վաշխառուին հատուկ այնպիսի «սաստանայական պայմաններով», որ «վերջ ի վերջո չքավորներին դնում են ճորտային դրության մեջ և արմատից կտրում գյուղացիու-թյան մեծամասնությունը կազմող չքավոր տարրերի տնտեսական զարգացման հնարավորությու-նը»։ Այստեղ է, ահա, շարունակում էր թերթը, որ խորհրդային իշխանությունը ամբողջ վճռա-կանությամբ ասելու է իր պարտադրիչ խոսքը: «Արտադրողական ուժերը գյուղում պետք է զար-գացնել, բայց ո՛չ չքավորների շահագործման զենով»:

Հիմք ընդունելով գյուղական չքավորության տրամադրությունն ու ակնկալությունները, որ այնպես ընդգծված արտահայտվում էին գովառական մամուլում և «Մաճկալում» տպագրվող թղթակցություններում, «Խորհրդային Հայաստանը» դրում էր. «Չքավոր գյուղացիությունն ունի այն գիտակցությունը, որ խորհրդային կարգերում անթույլատրելի են վաշխառուական սխրագոր-ծությունները: Իշխանությունը այդ գիտակցությունը պետք է գինի օրենքներով, ուր պիտի պարզ և որոշ ասված լինի, թե ո՞ր պայմանները համարվում են վաշխառուական և չպիտի իրագործ-վեն»³¹:

Ռկ(բ)Կ XI համագումարին տված Կենտկոմի քաղաքական հաշվետվության մեջ վ. Ի. Լենի-նը, խոսելով նէպ-ի արդյունքների մասին, նշեց. «...Մենք մի տարի նահանջում էինք: Այժմ մենք պետք է ասենք կուսակցության անունից՝ բավական է: Մենք հասել ենք այն նպատակին, որը հետապնդում էր այդ նահանջը: Այդ շրջանը վերջանում է կամ վերջացել է: Այժմ առաջ է մղվում ուրիշ նպատակ՝ ուժերի վերախմբավորումը»³²: Սկսվում էր տնտեսական բնագավառում մաս-նավոր կապիտալի դեմ մղվող հարձակման նախապատրաստության շրջանը:

Այդպիսի դիրքորոշման անցավ նաև սոցիալաճայ պարբերական մամուլը: Ինչպես ցույց տվեց մի տարվա փորձը, ընդհանրացնում էր «Խորհրդային Հայաստանը», անցնելով նէպ-ին՝ «մենք չենք սխալվել», այն տվել է որոշակի դրական արդյունքներ: Այդ հանգամանքը, սակայն, «եբբեք չպիտի շլացնի մեզ»: Թերթը վտանգավոր էր համարում մասնավորապես այն իրողության ան-

29 «Մաճկալ», 1922, № 5:

30 «Խորհրդային Հայաստան», 1922, № 161:

31 Նույն տեղում:

32 վ. Ի. Լենին, Երկեր, հատ. 33, էջ 329:

ոնսումը, որ Ենչյ-ի հետևանքով ստեղծվել է սոցիալական մի տարր, որը ճգնում է օգտագործել նոր կացությունը իր շահերի, իր դրության բարելավման համար: Դրանք նեպոտիզմներն են, և նոր բուրժուազիայի խմբակցությունները, որոնք նպաստում են սպեկուլյացիայի ծաղկմանը, ոչ թե ձգտում են օտարադրական գործն կատարել, այլ փաստորեն խարխում են մեր ողջ տնտեսության հիմքերը: Թույլ չէ այդ տարրը,— շարունակում էր թերթը— նա ունի դրամ, ունի եռանդ և շահագնաց ամուր ջղեր: Նեպոտիզմների վերահիշյալ գործողությունները որակելով իրեն օպերասան ոտնձգություններ, թերթը նույնանուն առաջնորդում օրակարգի խնդիր էր համարում ասանձարձակ սպեկուլյանտների զսպումն ու նրանց «զայլային ախորժակի շահավորումը», պնդելով, թե նման միոցառումները ավելի առողջ ընթացք կտան մեր երկրի տնտեսական կյանքին»³³:

Գաղափարական աշխատանքում պարբերական մամուլը կարևոր էր համարում մանր-բուրժուական տարերթի ներգործության շառավիղը սահմանափակելու, նրա ամեն տեսակի գրսևորումների դեմ պայքարն ուժեղացնելու խնդիրը: «Մենք բուրժուական իդեոլոգիան,— ընդգծում էր Եկորհրդային Հայաստանը,— մեր հասարակական և տնտեսական օրգանիզմի բոլոր ծակոթիներին դուրս սողաց, և այժմ դուրս է նայում, դիտում և իր դիրքերն ամրապնդում է. առաջադասության և ամեն մի նախաձեռնության մեջ մեզ ուղեկից է լինում: Այս պայմաններում, ահա, հրամայական անհրաժեշտություն էր դառնում մանր-բուրժուական տարերթի ներթափանցման վտանգի հանդեպ, իրրև պատենշ, որ հայտ բերել սահմանափակ կազմակերպված կոմունիստական կամք՝ հավասարապես ձուլված պրոլետարական մտքով և միացյալ ողով: «Ամեն մի վտանգավոր երևույթ պետք է արմատի մեջ անդամահատի» — խնդիր էր դնում թերթը:— Մենք պետք է մեր կուսակցության ղեկերից դեն չպրտենք մանր բուրժուական փտած բնությունը և պրոլետարական մտին ամեն մի օտար բան, այնպես, որ նա «պատուհանից էլ ներս չմտնի»:

Այսպես ուրեմն՝ նոր տնտեսական քաղաքականության դրական արդյունքները հավաստելու հետ մեկտեղ, Ենչյ-ի ճիշտ կենսագործմանը խոչընդոտող հոգեբանական, գաղափարական և պրակտիկ պատենշների դեմ պայքարելով հանդերձ՝ պարբերական մամուլը մոռացության չէր տալիս նաև բացասական երևույթները, որ ի հայտ եկան իրրև ձեռք բերված հաջողությունների ուղեկիցներ: Այդ երևույթների դեմ մղվող հետևողական պայքարում էլ հենց դրսևորվեց մամուլի դաստիարակչական-կազմակերպչական կարևոր դերը ժողովրդական տնտեսության վերականգնման հետագա խնդիրների լուծման գործում:

33 Եկորհրդային Հայաստան, 1922, № 278:

34 Նույն տեղում, № 282: